

Ҳадис 190-дарс. Мўминнинг беаги таҳорат суви етган жойгача бўлади

Ҳадис
ДАРСЛАРИ
190-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.

19:00 / 06.07.2022 3657

Абу Ҳурайра розияллоҳу анҳудан ривоят қилинади:

لَوْ قِي مَلَسُو هَل لَّي لَصِي لِي لَخُ تَمَسُّ نَعْنَعُ هَل لَّي صَرَّ رِي رَهْ بِي أَبَانَع
سِيئَاتِن لَأَوْ مَلَسُمُ هَاوْرُ ءُؤُضَوُلَا عُ لَبِي تُ شِي ح نَمُؤُم لِنَمُ ءُؤُضَوُلَا عُ لَبَت

«У киши розияллоҳу анҳу:

«Мен ўз халилим соллаллоҳу алайҳи васалламнинг:

«Мўминнинг беаги таҳорат суви етган жойгача етади», деганларини эшитдим», деди».

Муслим ва Насай ривоят қилганлар.

Шарҳ: «Халил» энг яқин ва сирдош дўст деганидир.

Қуръони Каримда Аллоҳ таоло Иброҳим алайҳиссаломни халил қилиб олганининг хабари келган. Абу Ҳурайра розияллоҳу анҳунинг Пайғамбаримиз соллаллоҳу алайҳи васалламни «халилим» дейишлари у кишининг ул зот соллаллоҳу алайҳи васалламга бўлган чексиз

муҳаббатларидандир.

Безак эса мўмин банданинг қиёмат куни Аллоҳ томонидан безалишидир. Аллоҳ таоло аҳли жаннатнинг васфида:

«Улар у ерда олтин билакузуклар ва инжулар ила безанурлар. У ердаги либослари эса, ипакдандир», деган («Ҳаж» сураси, 23-оят).

Пайғамбаримиз соллаллоҳу алайҳи васалламнинг бу ҳадиси шарифда:

«Мўминнинг беаги таҳорат суви етган жойгача бўлади», дейишларидан ҳар кимнинг беаги ҳар хил бўлиши келиб чиқмоқда. Демак, бу дунёда таҳоратни яхшилаб қилган мўминнинг у дунёдаги беаги ҳам яхши бўлади, кўп таҳорат қилганнинг беаги кўп бўлади. Шунингдек, банданинг қайси жойларига таҳорат суви етган бўлса, беаги ҳам ўша жойларгача етиб боради.

Биз, мўминлар шу билан бахтлимизки, ҳозирдаёқ охиратдаги беагимизни хоҳлаганимизча яхшилаб олиш имконимиз бор. Бунинг учун эса таҳоратимизни ўз вақтида комил қилишимиз ва таҳорат сувини баданимизнинг кўпроқ жойига етказишга ҳаракат қилишимиз керак, холос.

«Ҳадис ва ҳаёт» китоби асосида тайёрланди